



Kopano ya lapa

African Storybook

Thulisile Shongwe






Re na le kopano ya lapa.

Go na le Tate, Rakgadi Pula, Malome Chavani,
Eddie, Attie, Koko le nna.

Ke nna yo monnyane go bona ka moka.



Seyalemoya se phela se buletšwe ka gae letšatši ka moka, matšatši a 7. Re phela re theeditše ditaba.

Lehono re kwele pego ya go re dikolo di ilo bulwa gape bekeng ye e tlogo.



Dikolo di be di tswaletšwe dikgwedi tše mmalwa ka lebaka la kiletšo ya mesepelo.

Tate a thoma, “Ba lapa, re swanetše go tšea sephetho mabapi le bana bao ba boelago sekolong.”



Rakgadi Pula o tshwenyegile. "Ge dikolo di bulwa, go ra gore batho ba bantši ba tlo swaetšwa.

Seemo se ka befela pele," a realo.



Attie a re, “Ke tšhaba go tsenwa ke bolwetsi bjo.

A re emeng dibeke tše pedi re bone gore dilo di tlo sepela bjang kua sekolong. Go na le kgakanego ye kgolo.”




Tate a re, "Ke tšhogela Koko.

Ge bana ba ka swaetšwa ke bolwetši bjo gomme
ba bo tliša ka gae, go tla ba kotsi go yena."

Koko a dumela ka hlogo.



Koko o tšofetše. O na le bolwetši bja swikiri le bja pelo. Ke tshwenyegile kudu. Ke tshwenyegile ka lapa la gešo.



Malome Chavani a re, “Ke nagana gore bana ba dule gae, se e le kgato ya temošo. A re leteng re bone ge eba dikolo di itokišeditše go amogela barutwana.”

Ka moka ba dumela ntle le Eddie.



“Nna ke swanetše go ya sekolong se se phagamego ngwaga wo o tlogo.

Ga ke tsebe ge eba ke tla kgona go phetha mošomo ka moka.

Thuto ya dinthanete ga ke kwane le yona,” Eddie a realo.



Ga ke tshwenyega ka taba ya go šalela morago ka mošomo wa sekolo.

Ke tshwenyega ka taba ya botho. Na re tlo phedišana bjang mmogo go tloga bjale?

Re swanetše go lebana le seemo se mmogo.

—Dipotšišo

1. Ngwala tlhalošo ya mantšu a:
swaetšwa, tšofala, temošo, botho.
2. Hlaloša gore ke go reng go
'swenyega ka taba ya botho'.
3. Na o nagana gore lapa le tšere
sephetho sefe? Ka lebaka la eng?

Pukukanegelo ye e theilwe godimo ga dipego tša bana tša Radio RX. Radio RX ke seteišene sa seyalemoya sa inthanete sa bana seo se tšweletšwago le go diragatšwa ke bana, ba direla bana.

Seteišene se, se gašwa go tšwa Bookelong bja Bana bja Red Cross War Memorial go la Kapa.

Radio RX e thuša bana go anega dikanegelo mabapi le ditaba tšeo di lego bohlokwa mo go bona.

[Etela RX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Kopano ya lapa

Author/s: African Storybook

Translator/s: Dikeledi Queen Shai

Illustrator/s: Thulisile Shongwe


Assurer/s: Connie Makgabo

Language: Sepedi



© Zenex Foundation - Saide 2023

CC BY includes the following elements:

BY  - Credit must be given to the creator

